

თელავის მუნიციპალიტეტის საკრებულოს
სამანდატო-საპროცედურო და იურიდიულ საკითხთა კომისიის სხდომის

ოქმი N 6

ქ.თელავი

18. 07. 2023 წ.

თავმჯდომარეობდა: კომისიის თავმჯდომარე ლევან ბერძენაშვილი.

სხდომას ესწრებოდნენ კომისიის წევრები: თინათინ ხანჯალიაშვილი, ზურაბ ლილუაშვილი, ალექსანდრე შათირიშვილი, მიხეილ დალუნდარიძე, მარიამ ლილუაშვილი, გივი ლაფაური, იმედა კველიშვილი, გიგი გიგიტელაშვილი, რუსუდან იმერლიშვილი.

სხდომას აგრეთვე ესწრებოდნენ: თელავის მუნიციპალიტეტის საკრებულოს თავმჯდომარის მოადგილე მამუკა ბურდიაშვილი, თელავის მუნიციპალიტეტის საკრებულოს აპარატის უფროსის მოვალეობის შემსრულებელი სოფიო ოხანაშვილი, თელავის მუნიციპალიტეტის მერიის იურიდიული სამსახურის უფროსი ანა ფეიქრიშვილი, თელავის მუნიციპალიტეტის საკრებულოს აპარატის საორგანიზაციო განყოფილების უფროსი თეონა ბეგაშვილი, ამავე განყოფილების უმცროსი სპეციალისტები: ნინო ასანაშვილი, მთვარისა სოლომონიშვილი, თელავის მუნიციპალიტეტის საკრებულოს სამანდატო-საპროცედურო და იურიდიულ საკითხთა კომისიაში მოწვეული სპეციალისტი ქეთევან ილაშვილი, თელავის მუნიციპალიტეტის საკრებულოს საზოგადოებასთან ურთიერთობისა და პიარის სპეციალისტი ნიკოლოზ ესიტაშვილი, ტელეკომპანია „თანამგზავრი“-ს ჟურნალისტი ნატო ხაჩირიშვილი, ოპერატორი გიორგი კაციაშვილი, მოქალაქე არჩილ მჭედლიშვილი.

დ დ ის წ ე ს რ ი გ ი

1. თელავის მუნიციპალიტეტის საკრებულოს 2023 წლის 25 იანვრის №03 დადგენილებაში „თელავის მუნიციპალიტეტის მერიის საშტატო ნუსხისა და თანამდებობრივი სარგოების დამტკიცების შესახებ“ ცვლილების შეტანის თაობაზე

მომხს. ლ. ბერძენაშვილი

მოისმინეს: 1. თელავის მუნიციპალიტეტის საკრებულოს 2023 წლის 25 იანვრის №03 დადგენილებაში „თელავის მუნიციპალიტეტის მერიის სამტატო ნუსხისა და თანამდებობრივი სარგოების დამტკიცების შესახებ“ ცვლილების შეტანის თაობაზე

აზრი გამოთქვას: გიგი გიგიტელაშვილმა კითხვებით მიმართა კომისიის თავმჯდომარეს

1. სახელმწიფო აუდიტის დასკვნა - რატომ დაეგზავნათ და თუ არ აპირებენ მის განხილვას?
2. ინიციატივა ქუჩისთვის სახელის მინიჭების, რომელიც ამ დრომდე არ განუხილავს სივრცით ტერიტორიული დაგეგმარების ინფრასტრუქტურისა და ბუნებრივი რესურსების კომისიას.
3. რატომ არ ხდება აღსრულება მათ მიერ მიღებული დადგენილების? (მაწანწალა ძაღლების საკითხი).

ლევან ბერძენაშვილმა კომისიის წევრს უპასუხა:

რომ დღის წესრიგით აქვთ ერთი საკითხი განსახილველი და მასზე გადაწყვეტილების მიღების შემდგომ მიეცემოდათ დრო დასმული საკითხების განსახილველად,

კომისიის თავმჯდომარემ მიმართა თელავის მუნიციპალიტეტის მერიის იურიდიული სამსახურის უფროსს ანა ფეიქრიშვილს გაეკეთებინა განმარტება პროექტთან დაკავშირებით

ანა ფეიქრიშვილმა აღნიშნა, რომ პროექტზე დაწყებულია ადმინისტრაციული წარმოება, შესაბამისად განმარტა, რომ იურიდიული სამსახურის ადგილობრივი მოსაკრებლების ადმინისტრირების განყოფილებაში არის ერთი ვაკანტური ადგილი, რომელიც არის გამოუყენებელი, ამიტომ შიდა გადანაცვლებით, შესაძლებელია შტატის გადატანა საჭიროებიდან გამომდინარე მერიის ინფრასტრუქტურის სამსახურში.


გიგი გიგიტელაშვილმა მიმართა ანა ფეიქრიშვილს თუ რის საფუძველზე მიიღეს აღნიშნული გადაწყვეტილება?

რაზეც ანა ფეიქრიშვილმა უპასუხა, რომ ეს იყო ინფრასტრუქტურის სამსახურის ხელმძღვანელის ინიციატივა, მუნიციპალიტეტში მიმდინარე მასშტაბური სამუშაოებიდან გამომდინარე. მოსაზრებას არ დაეთანხმნენ საკრებულოს ფრაქცია „ერთიანი ნაციონალური მოძრაობის“ წევრები, რის შემდგომაც კომისიის თავმჯდომარემ საკითხი დააყენა კენჭისყრაზე.

კენჭისყრის შედეგად წინააღმდეგი წავიდა იმედა კველიშვილი, ხოლო მასში მონაწილეობა არ მიიღეს გიგი გიგიტელაშვილმა და რუსუდან იმერლიშვილმა. საბოლოოდ კენჭისყრის შედეგების მიხედვით, ხმათა უმრავლესობით საკითხს დაეთანხმნენ კომისიის სხვა წევრები.

გადაწყვიტეს: წარედგინოს საკრებულოს ბიუროს საკითხი განსახილველად დადებითი რეკომენდაციით, მისი საკრებულოს მორიგი სხდომის დღის წესრიგში შეტანის მიზნით.

კომისიის თავმჯდომარე



ლევან ბერძენაშვილი